



AALAJANGIINEQ

”Qasigianguani kiassaateqarfimmik iluarsaassineq, innaallagisserineq maskiinalerinerlu”

27. juni 2012
Sagsnr. 2012-064105
Dok. Nr. 946451

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Neqerooruteqartitsinermut allakkiaq 31. januar 2012-imeersoq aqqutigalugu Nukissiorfiit (matuma kingorna maalaarutigineqartoq) suliassaq tamarmiusoq una tamanut ammasumik suliariumannittussarsiuuppaa: ”Qasigianguani kiassaateqarfimmik iluarsaassineq, innaallagisserineq maskiinalerinerlu”.

Tunniussinissamut ”neqeroorut aningaasaqarnikkut iluanaarnarnerpaaq” piumasaqaatigineqarpoq.

Suliffeqarfiit uku suliassamut neqerooruteqarput:

1. *Entreprenør A*
2. *Entreprenør B*
3. *Entreprenør C*

9. marts 2012-imi *Entreprenør B* (matuma kingorna maalaaruteqartoq) ilisimatinneqarpoq, maalaarutigineqartup *Entreprenør A*-mut isumaqatigiissutissamik isumaqatiginninniarnissaq siunnerfigigaa.

2. april 2012-imi maalaarutigineqartup *Entreprenør A* isumaqatigiissuteqarfigaa.

4. april 2012-imi maalaaruteqartoq maalaarummik Neqerooruteqartitsisarnermut Maalaaruteqartarfimmum tunniussivoq. Maalaarut 7. juni 2012-imi oqaasiinnaat atorlugit maalaaruteqartarfimmi ataatsimiinnermi suliarineqarpoq.

Maalaaruteqartarfik imaattunik piumasaqarpoq:

1. Maalaaruteqartarfiup maluginiassavaa, maalaarutigineqartoq, Nukissiorfiit, sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 7, imm. 3, assigiinngisitsinissamut inerteqquteqarnermut tunngasoq uniorlugu iliuseqarsimammam, *Entreprenør A* neqerooruteqartitsinermut piumasaqaatini piumasarineqartut ingerlatseqatigiiffiup ukiunut kingullernut pingasunut kisitsisaataanik pingaarnernik nassiussisimangikkaluartoq, *Entreprenør A* suliariumannittussarsiuussinermi peersinngitsoorsimammagu.
2. Maalaaruteqartarfiup maluginiassavaa, maalaarutigineqartoq, Nukissiorfiit maalaarutigineqartoq, Nukissiorfiit, sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 7, imm. 3, assigiinngisitsinissamut paasiuminaatsumillu iliornissamut inerteqquteqarnermut tunngasoq uniorlugu iliuseqarsimammam, neqeroorumi ersarissumik allassimagaluartoq, neqerooruteqartoq *International A*-tut inissisimasoq, taamaattumillu toqqartuinnermut

piumasaqaat nr. 2 naapertorlugu ilaatinneqartussaangikkaluartooq, *Entrepreneur A* suliariumannittussarsiuussinermut ilaatissimammagu.

3. Maalaaruteqartarfiup maluginiassavaa, maalaarutigineqartooq, Nukissiorfiit maalaarutigineqartooq, Nukissiorfiit, sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 7, imm. 3, tak. § 15, uniorlugu iliuuseqarsimammatt, tunniussinissamut piumasaqaatit "Neqeroorut aningaasaqarnikkut iluanaarnarnerpaaq" iluanni piumasaqaatitut innersuussutit isumalluutillu piumasaqaatit ilaattut atorineqarsimammata, naak piumasaqaatit taakku toqqartuinnermut piumasaqaataagaluartut, tunniussinissamut piumasaqaatini "Neqeroorut aningaasaqarnikkut iluanaarnarnerpaaq"-tut immikkoortut atorineqarnissamut naleqqutinngikkaluartut.
4. Maalaaruteqartarfiup maluginiassavaa, maalaarutigineqartooq, Nukissiorfiit maalaarutigineqartooq, Nukissiorfiit, sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 7, imm. 3, tak. § 15, paasiuminaatsumik iliornissamut inerteqquteqarnermut tunngasoq uniorlugu iliuuseqarsimammatt, maalaarutigineqartup tunniussinissamut piumasaqaatinik (piumasaqaatit ataanni) oqimaalutaanerata kingunerisaanik neqerooruteqartitsineq "tunniussinissamut piumasaqaatitut "akikinnerpaaq" tunngavigalugu suliariumannittussarsiuussinerulerluni.
5. Maalaaruteqartarfiup maalaarutigineqartup *Entrepreneur A*-mut isumaqatigiissutip tunniunneqarnissaa pillugu aalajangiinera 9. marts 2012-meersoq atorunnaarsissavaa.
6. Maalaaruteqartarfiup maalaarutigineqartooq, Nukissiorfiit, pisussaatisavaa maalaaruteqartumut 2.415.656,00 koruuninik, tassalu maalaaruteqartup suliammut matusissutissatut siumoortumik naatsorsugassatut naatsorsuutigisaasa amerlaqataanik taarsiissuteqarnissaanik, taamaangippallu isumaqatigiissuteqarnissamut soqutigisani amigartoorutissat pillugit maleruagassat naapertorlugit 591.288,60 koruuninut naatsorsorneqartunik taarsiissuteqarnissaanik.
7. Maalaaruteqartarfiup maalaarutigineqartooq, Nukissiorfiit, pisussaatisavaa maalaaruteqartup suliammut aningaasartuutaanut akiliinissamut.

Maalaarutigineqartooq piumasaqarpoq maalaarut malinneqassanngitsoq, tamannalu pinngippat maalaarutigineqartooq taarsiissanngortinneqassanngitsoq, kisiannili neqerooruteqartarnermut inatsit unioqqutinneqarsimasooq maalaaruteqartarfik isummersimagaluarpuunniit neqerooruteqartitsineq atorunnaarsinneqassanngitsoq, sulilu tamanna pinngippat maalaaruteqartooq taamaallaat isumaqatigiissusiornissamut soqutigisani amigartoorutissanut taarsiiffigineqassasoq, aammalu suli tamanna pinngippat maalaaruteqartooq aningaasanik piumasarineqartunit ikinnerusunik taarsiiffigineqassasoq, sulilu tamanna pinngippat neqerooruteqartitsineq taamaatinneqassasoq.

Isумаqatigiissusiornissamut soqutigisani amigartoorutissat pillugit malerua-gassat naapertorlugit taarsiissuteqartoqarnissaanik piumasagaatit maalaarute-qartumit imatut naatsorsorneqarput:

Maalaaruteqarnermut akitsuut		100.000,00 kr.
NH-mit faktura		21.780,00 kr.
NH-mit faktura		30.721,60 kr.
P&K-mit faktura		70.000,00 kr.
NR-imut nal. ak.	60	45.000,00 kr.
VF-imut nal. ak.	20	19.000,00 kr.
PLS-imut nal. ak.	15	8.250,00 kr.
Attaveqaqatigiinneq		2.500,00 kr.
DKK-t katillugit		297.251,60 kr.
VVS-imut kalki, kalkulatori	209	114.950,00 kr.
Innaallagissamut kalki. kalkulatori	102,5	56.375,00 kr.
Innaallagissamut kalki. naatsorsuissummit faktura		95.512,00 kr.
Qasigiannuanut angalanermi aningaasartuutit 1		2.500,00 kr.
Qasigiannuani akunnittarfimmiinnermut aningaasartuutit 2		2.200,00 kr.
NR neqeroorutininik misissuineq inaarsaanerlu		15.000,00 kr.
Pilersarusiornermi printerimut aningaasartuutit		6.500,00 kr.
Attaveqaqatigiinneq		1.000,00 kr.
DKK-t katillugit		294.037,00 kr.

Suliami pissutsinut nassuiaatit ersarinnerusut

MN Siunnersorti E-meersoq maalaarutigineqartup neqerooruteqartitsinermut atatillugu suliaassanut tamanut siunnersortigaa, taassumalu maalaarutigine-qartoq peqatigalugu neqerooruteqartitsinermut najoqqutassat suliarai. Neqeroo-roteqartitsinermut allakkiami, 31. januar 2012-imeersumi ilaatigut imatut allassi-masogarpoq:

”...

TOQQARTUINERMUT TUNNIUSSINISSAMULLU PIUMASAQAATIT:

Toqqartuinnermut piumasagaatit:

Suliasamut matumunnga ilaatinneqarnissamut piumasagaatit ataani allassi-masut naammassineqarsimasussaapput:

- Qinnuteqartup taassumalu ataani entreprenørrip ukiuni tallimani kingullerni sanaartukkamut assingusunik suliaqarnermi annertuumik misilittagaqarsimanissaat. ”Assingusunik” oqarnermi kiassaateqarfitt minnerpaamik 5 MW-inik kissaasinnaassuseqartut, ikiortissanik atortullit aammalu SRO anlæg atorlugu qitiusumik aquneqartut eqqarsaatigi-neqarput.
- Qinnuteqartup Kalaallit Nunaanni suliffeqarfittut nalunaarsorneqarsi-manissaa, tamatumalu kingusinnerpaamik isumaqatigiissusiornissa-

mut isumaqatiginninniarnerusinnaasut aallartinneqarnissaat sioqqullugu pisimanissaa.

Tunniussinissamut piumasagaatit:

Tunniussinissamut piumasagaatit tassaapput aningaasaqarnikkut ilua-naarnarnerpaamik neqerooruteqarneq, aammalu Inatsisartut inatsisaanni nr. 11-mi, 2. december 2009-meersumi § 15 naapertorlugu neqerooruteqartitsinermut najoqqutassani piumasagaatinik naammassinnissimanissaq.

Tunniussinissamut piumasagaatit imatut oqimaalutarneqartarput:

1. Akiusoq, 60 %
2. Innersuussutit, 15 %
3. Isumalluutit, 15 %
4. Piffissamut pilersaarutit, 10 %

Suliassaq entreprenørimit, matuma siuliani tunniussinissamut piumasagaatit, amerlanerpaamik 100 pointinnaaffiusinnaasut tunngavigalugit amerlanerpaanik pointinnattumit ajugaaffigineqassaaq.

Tunniussinissamut piumasagaatini 0 pointimik tunisisoqarpat, entreprenøri suliassamik naammassinninnissamut naleqqutinngitsutut isigineqassaaq, neqerooruteqartutullu peerneqassalluni.

Neqerooruteqartitsinermi najoqqutassanut ilanngullugu tunniussinissamut piumasagaatit qanoq iliorluni pointilersuut atorlugu oqimaalutarneqassanersut pillugu nassuiaammik nassiussisoqassaaq.

...”

Piumasagaatini Immikkut Ittuni imm. 12-imi pointilersueriaaseq nassuiarneqarpoq, tasanilu ilaatigut imatut allassimasoqarpoq:

”...

12.5 Neqerooruteqartitsinermut allakkiaq naapertorlugu tunniussinissamut piumasagaatinik oqimaalutaaneq

Tunniussinissamut piumasagaatit:

Tunniussinissamut piumasagaatit katillugit 100 pointinik pissarsivigineqarsinnaapput. Entreprenøri amerlanerpaanik pointinnattoq suliariumannit-tussarsiuussinermi ajugaassaaq.

- Akiusoq 60 % (60 pointit)
- Innersuussutit 15 % (15 pointit)
- Isumalluutit 15 % (15 pointit)
- Piffissamut pilersaarutit 10 % (10 pointit)

Tunniussinissamut piumasagaatit imaluunniit taakku immikkoortuisa ilaat 0-imik inerneqarpata, entreprenøri suliassamik naammassinninnissamut

naleqqutinngitsutut isigineqassaaq, taamaattumillu neqerooruteqartutut peerneqassalluni.

Pointit ataatsimut katinnerini, tunniussinissamut piunasaqaatini sisamaasuni inernerit katinneqareernerini qummut imaluunniit ammut akunnaallisaasoqassaaq.

...

12.5.2 Innersuussutit 15 %.

- Entreprenøri suliani assingusuni, ukiut tallimat kingullit ingerlanerini suliarisimasaminut allattuiffimmik immikkoortitikkamik suliaqassaaq (10%-imik oqimaalutarneqassaaq)
- Entreprenørit suliami suliaqartitassatut eqqarsaatigineqartut tamarmik allattorsimaffiat. Aamma entreprenørit suliaqartitassat matuma siuliani immikkoortinneqartutut allattorsimaffiannik suliaqartoqassaaq. Suliamut ataatsimut suliaqartitassat arlallit ilisimatitsissutigineqarsinnaapput. Entreprenørit suliaqartitassat suliap ingerlanerani taamaallaat sanatitsisumut allakkatigut isumaqatigiissuteqarnikkut taarserneqarsinnaapput. (5%-imik oqimaalutarneqassaaq)

12.5.3 Isumalluutit 15 %.

- Qinnuteqartumi sulisut amerlassusii aqqissuussaaneermullu pilersaarut. Taanna aamma entreprenørinut suliaqartitanut tunngatillugu ilisimatitsissutigineqassaaq. (2%-imik oqimaalutarneqassaaq)
- Suliap isumagineqarnerani inunnut pingaarnernut tamanut CV-t, tassanilu aamma formandit sullivinniittut ilanngullugit pineqarput. Tamanna aamma entreprenørinut suliaqartitanut atuuppoq. (8%-imik oqimaalutarneqassaaq)
- Qinnuteqartup ukiuni pingasuni kingullerni ukiumoortumik naatsorsuutaani kisitsisit pingaarnertit. (3%-imik oqimaalutarneqassaaq)
- Qinnuteqartup pitsaassutsimik qulakkeereriaasianut tamarmiusumut nassuiaat. Aammattaaq pitsaassutsimik qulakkeerisarnermi malitassat imaasa allattorsimaffiat ilanngunneqassaaq. (2%-imik oqimaalutarneqassaaq)

...”

7. marts 2012-imi suliariumannittussarsiuussisoqarpoq. Ataatsimiinnermit imaqarniliami allassimavoq tassani neqerooruteqartut pingasuusimasut: *Entreprenør A*, *Entreprenør B* aamma *Entreprenør C*. *Entreprenør A* akikinnerpaamik neqerooruteqarpoq (13.882.611 koruunit), akikinnerpaap tullia tassaavoq *Entreprenør B* (16.138.800 koruunit), *Entreprenør C-mit* malinneqarluni (16.400.020 koruunit). Ataatsimiinnermut maalaarutigineqartumiit *MKC* peqataavoq, maalaarutigineqartumit *VF* peqataalluni aammalu *Entreprenør C-miit BK* peqataalluni. Imaqarniliami aamma allassimavoq, neqerooruteqartut ataasiakkaat oqaaseqaateqartut, kisiannili taakku suliami matumani aalajangiinissamut sunniuteqartussaangitsut isumaqatigiissutigineqarpoq.

Neqerooruteqartitsinerup maalaaruteqartumut inernera nalunaarummi 9. marts 2012-imeersumi maalaarutigineqartup ilisimatitsissutigaa. Tassani allassimavoq, neqerooruteqartut tamarmik neqerooruteqartitsinermut allakkiami toqqartuinermut piumasaqaatit naammassisimagaat.

Entreprenør A 97,0 pointinik angusaqarpoq, maalaaruteqartoq 85,2 pointinik angusaqarpoq aammalu *Entreprenør C* 84,1 pointinik angusaqarpoq. Taamaattumik maalaarutigineqartoq nalunaaruteqarpoq, *Entreprenør A-p* isumaqatigiissutissamut isumaqatiginninniarfigineqarnissaa siunnerfigineqartoq. Pointinik agguaanermut tunngavilersuutininut tunngatillugu nalunaarummi imatut allassimasoqarpoq:

” ...

Akit: 60 %-imik oqimaalutaaneq (annerpaamik 60 point)

<i>Entreprenør A</i>	60,0 pointit
<i>Entreprenør B</i>	50,2 pointit
<i>Entreprenør C</i>	49,1 pointit

SB-mi (Piumasaqaatit immikkut ittut) immikkoortoq 12.5.1-imi nassuiaatit malillugit pointilersuisoqarpoq.

Innersuussutit, katillugit: 15%-imik oqimaalutaaneq (annerpaamik 15 point)

<i>Entreprenør A</i>	15 pointit
<i>Entreprenør B</i>	14 pointit
<i>Entreprenør C</i>	14 pointit

Entreprenør A

1. Suliassaqaarfiup, suliassamut atatillugu matussuserneqartussap iluani innersuussutit allattorsimaffiat ilivitsuuvoq.
2. Entreprenørit suliassami suliqaartitassat kikkut matussusiisinnaanersut allattorsimaffiat.

Entreprenør B

1. Suliassaqaarfiup, suliassamut atatillugu matussuserneqartussap iluani innersuussutit allattorsimaffiat ilivitsuuvoq.
2. Entreprenørit suliassami suliqaartitassat kikkut ilivitsumik matussusiisinnaannginnersut allattorsimaffiat, tassani kikkut oqorsaasutut atorneqassanersut ilisimatitsissutigineqarsimanngimmat.

...

Isumalluutit, katillugit: 15%-imik oqimaalutarlugu (annerpaamik 15 point)

<i>Entreprenør A</i>	15 pointit
<i>Entreprenør B</i>	14 pointit
<i>Entreprenør C</i>	14 pointit

Entreprenør A

1. Aaqqissuussaannermut pilersaarutit naammattorujussuupput, tassani aaqqissuussaannermut pilersaarut pingaarneq nassiunneqarsimammat, tamatumali peqatigisaanik aamma suliassap aaqqissuussaanneranut pilersaarut ilaatinneqarluni.
2. CV-mi takuneqarsinnaavoq, sulisut suliassami atorineqartussat suliassamik naammassinninnissamut pisariaqartinneqartunik misilittagaqartut.
3. Ukiunut kingullernut pingasunut kisitsisit pingaarnerit pitsaasutut isikkoqarput.
4. Pitsaassutsimik qulakkeerisarneq pitsaasutut isikkoqarpoq.

Entreprenør B

1. Aaqqissuussaannermut pilersaarutit naammalluannngillat, tassani aaqqissuussaannermut pilersaarut pingaarneq kisimi nassiunneqarsimammat, tassanilu Qasigiannuani suliassap aaqqissuussaanaissaa qanoq isikkoqassanersoq allassimannngimmat.
2. CV-mi takuneqarsinnaavoq, sulisut suliassami atorineqartussat suliassamik naammassinninnissamut pisariaqartinneqartunik misilittagaqartut.
3. Ukiunut kingullernut pingasunut kisitsisit pingaarnerit pitsaasutut isikkoqarput.
4. Pitsaassutsimik qulakkeerisarneq pitsaasutut isikkoqarpoq.

...

Piffissamut pilersaarut: 10%-imik oqimaalutarlugu (annerpaamik 10 pointit)

<i>Entreprenør A</i>	7 pointit
<i>Entreprenør B</i>	7 pointit
<i>Entreprenør C</i>	7 pointit

..."

Entreprenør C-p neqeroorutaani innersuussutitut isumalluutinullu tunngatillugu oqaaseqaatit maalaaruteqartup oqaaseqaataasa assigaat.

27. marts 2012-imi maalaaruteqarpoq piumasaqarpoq, *Entreprenør A*-p neqeroorutaani allagaatinik takunnissinnaajumalluni. Qinnuteqaat taanna aatsaat 2. juni 2012-imi akuerineqarpoq, maalaaruteqartarfiup paasissutissanik attuumassutilinnik tunniussisoqarnissaanik peqqusinerata kingunerisaanik. Maalaarutigineqartup kinguaattoorneq utoqqatsissutigaa, isumalluutinik ajornartorsiuteqarneq innersuussutigalugu.

Maalaaruteqartup maalaarutigineqartumut attaveqaqateqarnermini ilaatigut allakkat 27. marts 2012-imeersut, neqerooruteqarnermi ajugaassutaasumit, *Entreprenør A*-mit, Kalaallit Nunaanni suliaqanngitsumit, taamaallaalli Kalaallit Nunaanni postbokseqarluni suliffiusumit, sulisoqanngitsumit, aammalu ingerlatseqatigiiffik 10. februar 2010-mi pilersinneqarsimammat ukiuni kingullerni pingasuni kisitsisinik saqqummiussisnaannngitsumit tunniunneqartut innersuussutigai.

Entreprenør A-p neqeroorutaani allassimavoq, taanna *Entreprenør A* sinnerlugu *International A*-mit tunniunneqartoq. *International A* danskit piginneqatigiiffiuti-gaat, tassanilu *Entreprenør A* piginneqatigiiffiutitut ingerlavoq. Aammattaaq neqeroorummi allassimavoq, kisitsisit pingaarnerit, aaqqissuussaanner-mut pilersaarutit il.il. *Entreprenør A*-mut tunngasuunatik, *International A*-mut tunngasuusut.

16. maj 2012-imi maalaaruteqartoq piumasaqarpoq, maalaarut erninnaartumik atuutilersumik sunniuteqartinneqassasoq. Maalaarutigineqartoq 1. juni 2012-imi maalaaruteqartarfimmut ilisimatitsivoq, *Entreprenør A* isumaqatigiissuteqarfigi-neqartoq, taamaattumillu apeqqut taanna maalaaruteqartarfimmit ingerla-teqqillugu suliarineqanngilaq.

Suliap oqaasiinnaat atorlugit suliarineqarnerani *VF*, *MKC* aamma *OZ* nassuiaa-teqarput.

VF ilaatigut nassuiaavoq, maalaaruteqartumi pisortaalluni ulluinnarnilu aqutsi-suulluni. Aammattaaq nassuiaavoq *Entreprenør B* Danmarkimi *International B*-p ingerlatseqatigiiffiutigigaa, aammalu Kalaallit Nunaanni ingerlatseqatigiiffik danskit qullersaqarfianni isumalluutitik atuisuusooq, kisiannili isumalluutitik taakkununga atuinerminut akiliisartooq. Suliariumannittussarsiuussinermut ata-tillugu inuit marluinnaat takkuppet: Nammineerluni aammalu *Entreprenør C*-mit aallartitaq. Neqeroorutit tamanut ammasumik saqqummiunneqarnerini taamaallaat *Entreprenør A* neqerooruteqarsimasooq ilisimatitsissutigineqarpoq. *International A* tamatumunnga atatillugu taaneqanngilaq. Maalaaruteqartup neqerooruteqartitsisnermi saqqummiussassat saqqummiunneqarnerini sukkulluunniit tunniussinissamut piumasaqaatit oqaasertaliorneqarneri malugi-niarsimangilai, aammalu piumasaqaatit maalaaruteqartup immikkut ittumik isumaliuteqarneranik kinguneqarsimangillat. Maalaaruteqartup taamaallaat paasissutissanik pisariaqartinneqartunik tunniussinissaq aallussimavaa. Maalaaruteqartup aamma suliassap aaqqissuussaananeranut pilersaarummik tunniussisussaanaera sionratigut neqerooruteqartitsisarnermut naleqqiullugu nalinginnaanngitsoq maalaaruteqartoq isumaqarpoq. Maalaaruteqartup suli-assami ajugaanissani siunnerfigisimavaa, taamaattumillu siusissukkut suliassap inuttasaanik, suliani pioreersuni naammassingajalersuni sulereersunik nassaarniarluni aallartissimavoq. Maalaaruteqartup suliassaq pissarsia-rinnginnamiuk maanna piginnaasai sinneqalerput. Sulisut suliassanut allanut atorfinitsissinnaanngilai, suliassat taamaattut amerlanngimmata. Neqeroorutip suliarinerani *International B*-mi Danmarkimiittumi tapersiisarnermut im-mikkoortortaminnit ikiorteqarsimavoq. Suleriaaseq taanna nalinginnaasuvoq, kisiannili tapersiisarnermut immikkoortortami sulisut maalaaruteqartumit akilerneqartarput. Aamma sulisut pingaarnerit, suliassami ator-neqartussat Danmarkimi tapersiisarnermut immikkoortortamiippat, taakkuli maalaaruteqartu-mit atorfeqartinneqarput akilerneqartarlutillu. Neqeroorutip suliarineqarneranut atatillugu maalaaruteqartoq inunnik suliaraqarfiissamut takuniaatitsisivoq assi-giinngitsunillu uuttortaatitsisimalluni. Suliassaq, tassalu neqeroorusiornermiit suli-aqalernissamut maalaaruteqartumit aqunneqartussaagalarpoq. Taarsiissu-tissanik naatsorsuiner-mut tunngatillugu ilisimatitsissutigaa, suliassamut taa-maattumut matussusiinissamut akiliutissaat allanngorarsinnaasut. Matussusi-

nissamut akiliutinut suliap qanoq ingerlalluartiginera, pingaartumillu aamma suliammut entreprenørinik suliaqartitsisoqarnerisooq apeqqutaasussaavoq. Suliammi ilanngussa 17-imi aamma 18-imi matussusiinissamut akiliutit 11%-iniit 30%-inut allanngorarsinnaanerit assersuusiorneqarpoq. Suliami ilanngussa 16 tunngavigalugu matussusiinissamut akiliutit 18%-it missaanniinnissat maalaaruteqartup naatsorsuutigisimavaa.

MKC, maskiningeniøri aammalu 2007-imi septembarimili Nukissiorfiit sanaartornermut immikkoortortaarfiani suliniutinut pisortatut atorfeqarsimasooq ilaatigut nassuiaavoq, Nukissiorfiit sanaartugassanut neqerooruteqartitsinerminni siunnersortinik avataaneersunik atuisartut. Suliaassa pineqartoq annertujaarpoq, tassani kiassaateqarfimmik tamakkiisumik iluarsaassinissaq, motorinik taarsersuineq il.il. ilaqartinneqartoq pineqarluni. Iluarsaassinissaq pisariaqavippooq, aserfallatsaaliugassanik nalinginnaasunik kinguartiterineq motorinik aserortornermik kinguneqarsimammat, taamaattumillu Qasigiannuani kiassaateqarfimmiit pilersuineq ajutoornermi atortut atorlugit maannarpiaq ingerlanneqarluni. Suliaassap aasap ingerlanerani ingerlanneqarnissaa pingaaruteqarpoq, tamanna pinngippat pilersuinerup ingerlannarnissaa ajornakusoorfiulissammat, tamatumalu kingunerisaanik ukiuunerani atuneq annertusippat tamanna atuisunut ajornartorsiortitsilertussaammat. Neqerooruteqartitsinermut najoqqutassat suliarineqarnerisa kingornatigut 2013-imi januaarimi tunniussisoqarpoq. Suliaassap 2012-imi aprillip aallartinnerani isumaqatigiissusiorneqarfigineqariitsiarnerani suliaassa aallartinneqarpoq, aammalu atortut immikkoortussaap Danmarkimi suliarineqarput. Atortut immikkoortui siullit Qasigiannuanut umiarsuakkut nassiunneqarnissaminut piariingajalerput, tassanilu piffissamut pilersaarummut naleqqiullugu suliaassat siuarsimaffigineqarput. Entreprenørip ukioq manna decembarip qiteqqunnerani tunniussinissaq qinnutigisimavaa, tassalu isumaqatigiissutit malillugit 2013-imi januaarip qiteqqunnerani tunniussinissamut ulluussaa qaammammik ataaserpiamik sioqqullugu. Isumaqatigiissut atorunnaarsinneqassappat pilersuinermi annertuunik ajornartorsiortoqalersussaavoq. Tunniussinissamut piunasaqaatini saqqummiunneqartuni siunertarineqarpoq, entreprenørip suliamik pilersaarutit malillugit ingerlatsisinnannissaata pingaartinneqarnissaa. Piunasaqaatit, Nukissiorfiit avataaniit siunnersortaa, *Siunnersorti E*, isumasioqatigalugu suliarineqartut, entreprenørip suliammik naammassinnaaneranut tikkuussisussaapput. Toqqartuinnermut piunasaqaatini neqerooruteqartup kingusinnerpaamik isumaqatigiissutissamut isumaqatiginninniarnertit aallartinnerini Kalaallit Nunaanni inuussutissarsiornermik ingerlataqartunut nalunaarsuiffimmi (GER) nalunaarsorsimasussaanerani siunertaavoq, suliffeqarfiit Kalaallit Nunaata avataaniittut suliammut neqeroorsinnannissaat. Isumaa malillugu neqeroorut ajugaasooq *International A-p* aamma *Entreprenør A-p* ataatsimoorlutik tunniussaraat. Taamaallilluni Kalaallit Nunaanni ingerlatseqatigiiffiup nunami allami qullersaqarfimmimi immikkut ilisimasallit ikiortigisinnava. Taamaaliortarneq eriaasiuvoq nalinginnaasooq, suliammi matumani pineqartut ittumi Kalaallit Nunaanni immikkut ilisimasat pisariaqartinneqartut pigineqanngimmata, aammalu maalaaruteqartoq Danmarkimi qullersaqarfimmimi imminnut ilisimasalinnik atuisarpoq. Kiisalu isumaa malillugu *Entreprenør A* taamaallaat pilersinneqarsimavoq, Kalaallit Nunaanni *International A-p* suliaassaataani isumaginninnissaq siunertaralugu. Tunniussinissamut piunasaqaatitut tunngatillugu ilisimatitsivoq, kisitsisinik pingaarnernik nassiussinngitsoorneq

immikkoortumi tassani 0 pointinik angusaqarnermik kinguneqartussaasoq, kisiannili ukiut ilaannut kisitsisinik pingaarnernik tunniussisoqarsimappat pointinik angusaqartoqarsinnaavoq. Qullersaqarfiup kisitsisaataasa pingaarnernit pingaartinneqarnissaat akornutissaqanngilaq, tamatumani Kalaallit Nunaanni ingerlatseqatigiiffik akiliisinnaajunnaarnissamut ulorianartorsiorsinnaanera apeqquataatinnagu. Kalaallit Nunaanni ingerlatseqatigiiffik akiliisinnaajunnaassagaluarpat, isumannartumik inissisimanissaq pinngitsoortinniarlugu, isumaqatigiissut naapertorlugu aammalu AP95 atorlugu qularnaveeqqusiinikkut sillimmasiisoqartarpoq. Kisiannili *Entrepreneur A-p* akigititassap piffissallu atorneqartussap iluani suliassamik naammassinnissinnaanissaanut qullersaqarfiup *International A-p* allakkatigut qularnaveeqqusiinissaa maalaarutigineqartup qulakkeersimangilaa. Neqerooruteqartup akiusup saniatigut paasissutissat allat minilluinnarsimagunigit ilaatinneqarsinnaanngilaq, ingerlatseqatigiiffik suliassamik naammassinninnissamut aningaasaqarnikkut tunngavissaqarlularnersoq naliliiffigineqarsinnaanngimmat. Kisitsisini pingaarnerni ilaatigut *entrepreneurip* akiliisinnaassusia takutinneqartarpoq, suliffeqarfiup suliamik taamak annertutigisumik naammassinnissinnaanissamut akiliisinnaassuseqarnissaa piumasarineqarmat. Sanaartugassani annerusuni kisitsisinik pingaarnernik qinnuteqartarneq nalinginnaasuuvoq. Immikkoortumi tassami pointit annerpaaffissaat anguneqarsinnaassappat kisitsisit pingaarnernit pitsaasumik isikkoqartussaapput. Immikkoortumut "innersuussutit" tunngatillugu ilumoorpoq, piunasaqaatit taakku toqqartuinnermut piunasaqaataammata taamatullu tunniussinissamut piunasaqaataallutik. Immikkoortut taakku imaat assigiinngissuteqanngilaq.

OZ, Nukissiorfiit sanaartornermut immikkoortortaqarfiani suliniuteqarnermut pisorta q ilaatigut nassuiaavoq, maalaarutigineqartumi sivikitsuinnarmik atorfeqarsimanini pissutigalugu suliap pineqartup ingerlanerani tamakkiisumik suleqataasimanani. Tamatuma saniatigut suliniuteqarnermut pisortatut neqerooruteqartitsinerup ingerlanneqarneranut toqqaannartumik suleqataasimangilaq, kisiannili suliassat pingaarnerusut, ilaatigut sanaartugassami aningaasaqarnerup missingersuutinut sinaakkusiussanut ataqatigiissaarneqarneranut akisussaaffeqarnermi, maalaarutigineqartumut akisussaaffiliunneqartumi suleqataasimavoq. Isumaa malillugu Kalaallit Nunaanni suliffeqarfiit pioreersut saniatigut allanit neqeroorutininik pissarsinissaq pisariaqarsimavoq, Kalaallit Nunaanni suliassanik taamaattunik suliaqarnissamut piginnaanerissat pisariaqartinneqartut tamarmik pigineqanngimmata. Isumaqatigiissutip atsiorneqarnerani ingerlatseqatigiiffiup inatsisit malillugit Kalaallit Nunaanni pilersinneqarsimanissaa pingaaruteqarpoq. Suliassanut taamaattunut neqeroorutininik naliliisarnermi neqerooruteqartup kisitsisaatai pingaarnernit pingaaruteqarlunnarput. Suliffeqarfiit suliassamik ingerlatsisussat pisariaqartinneqartunik misilittagaqartussaapput akiliisinnaassuseqartussaallutillu. Suliassat sapernassusiat aalajangersimasoq suliassap ingerlanneqarnissaanut neqerooruteqartitsinermi piunasaqaatit suunissaannut aalajangiisuusarpoq. Assersuutigalugu erngup aqquataanik suliaqarnermi akiusoq kisimi piunasaqaataasinnaavoq, Kalaallit Nunaanni suliassamik naammassisaqarnissamut piginnaasaqartut naammammata. Kiassaateqarfiliornermi Kalaallit Nunaata avataaniit sulisusanik tikititsinissaq pisariaqarpoq. Tassalu aamma neqerooruteqartitsinermi aalajangersimasumi tassani *International A-p* kisitsisaatai pingaarnernit neqeroo-

rummik naliliinermut tunngavigineqarnerat ajunngilaq, tassani *Entreprenør A* isumaqatigiissuteqarfigneqartussaagaluartoq. *International A-p* kisitsisaatai pingaarnert suut misilittagarineqarnerinut akiliisinnaassuseqarnermullu oqaluttuartuupput. Suliffeqarfimmi kaaviiartitanut kisitsisit suliffeqarfiup suliarsartagaasa annertussusiinik oqaluttuartuupput, taamatullu suliffeqarfiup suliassatut uani pineqartutut pisariutigisumik suliaqarsinnaaneranut oqaluttuatuullutik. Ukiuni kingullerni pingasuni naatsorsuutini kisitsisit pingaarnert pingaaruteqartorujussuugaluarlutik imaaliiallaannaq suliassamut aalajangersimasumut atatinneqarsinnaannginnerat ilu Moorpoq, kisiannili neqeroorutit naliliiffigneqarnerini kisitsisit pingaarnert immikkut pingaarnertinneqanngillat, taamaallaalli suliffeqarfiup qanoq ittuuneranik takutitsinissaq kisimi siunertarineqarpoq. Neqerooruteqartitsinermut atatillugu suliffeqarfiit neqerooruteqartut arlaannaataluunniit, piumasaqaatit saqqummiussat pillugit apeqquteqarluni maalaarutigineqartoq saaffigisimangilaa.

Illuatungeriit saqqummiussat

Piumasaqaat 1 pillugu

Maalaaruteqartup tamatumunnga tunngatillugu oqaatigaa, neqeroorut *Entreprenør A*-mit tunniunneqartutut maalaaruteqartarfiup isumaqarfigippagu, neqerooruteqartitsinermut allakkiami kiisalu neqerooruteqartitsinermut najoqqutassani tassunga atasuni suliassamut piumasaqaatit immikkut ittut, qupp. 16-imi kiisalu qupp. 18-imi takuneqarsinnaasut malillugit suliffeqarfiit ukiuni naatsorsuusiorfiusuni kingullerni pingasuni kisitsisinik pingaarnernik ilanngussaqaanngitsut ilaatinneqarsinnaanngitsut. Tamatumunnga atatillugu oqaatigineqassaaq, piumasaqaatip taassuma oqaasertaasa nassuiaatissartaat nalinginnaasoq tassaasariaqarmat, neqerooruteqartoq nammineerluni naatsorsuutiminik nassiussisussaasoq, piumasaqaatit allatut paasineqarnissaat isumaqarsinnaanngimmat. Oqaatigineqassaaq *Entreprenør A-p* neqeroorutaa ingerlatseqatigiiffiup kisitsisaataanik pingaarnernik imaqaanngimmat, taamaattumillu neqeroorut piumasaqaatinut naapertuutinnngimmat, tamannalu pissutigalugu ilaatinneqartussaanngikkaluarluni.

Tamatumunnga atatillugu *International A-p* kisitsisaataanik pingaarnernik nassiussisoqarnerani piumasaqaat imminermi naammassineqanngimmat tamanna akerlilernerqarpoq, *Entreprenør A* maalaarutigineqartumut minnerpaamik soq nammineerluni kisitsisaatiminik pingaarnernik nassiussisinnaannginnerminik, tassungalu taarsiullugu suliffeqarfiup allap kisitsisaataanik pingaarnernik ilaliisimanini ilisimatitsissutigisussaagaluarmagu. Tamatuma kingorna maalaarutigineqartup *Entreprenør A-p* neqeroorutaa suliariumannittussarsiuussinermut ilaatinneqassanersoq ilaatinneqassannginnorsorluunniit eqqarsaatigisussaagaluarpaa, taamatulli isumaliuteqarnissaq piffissaq tamakkerlugu tunngavissaqarsimangilaq, suliffeqarfiup allap kisitsisaatai pingaarnert *Entreprenør A-p* neqeroorutaanut ilassutaasunik oqaaseqaatitaqaanngitsumik ilanngunneqarsimammata, taamaattumillu neqeroorut peerneqarsinnaasimagaluarpoq, piumasaqaatit minnerpaaffissaasa malinneqannginnerat innersuussutigalugu.

Maalaarutigineqartup oqaaseqaataanut, tassungalu ilanngullugu *Entreprenør A*-p neqeroorutaata *International A*-p neqeroorutaanut ilanngunneqarneranut tunngatillugu oqaatigineqassaaq, suliariumannittussarsiuussinermi imaqaarniliami allassimammat, *Entreprenør A* neqeroorummik tunniussaartoq, tassanilu allassimangilaq neqeroorut *International A* suleqatigalugu tunniunneqartoq. Aamma oqaatigineqarpoq, maalaarutigineqartup maalaaruteqartup allagaani, 9. marts 2012-imeersumi allassimasoq, *Entreprenør A* maalaarutigineqartumut aningaasaqarnikkut iluanaarnarnerpaamik neqerooruteqarsimasoq. Allakkami tassani aamma allassimangilaq, *Entreprenør A*-p neqerooruteqarnermini *International A* peqatigigaa. Tamatuma kingorna *Entreprenør A*-p neqerooruteqarnermini *International A* peqatigisimangikkaa atuuttussanngortinneqarpoq, taamaattumillu *International A*-p naatsorsuutaani kisitsisit aalajangiinermut pingaaruteqanngitsut.

Maalaarutigineqartumit oqaatigineqarpoq, *Entreprenør A* aamma *International A* ataatsimoorlutik neqerooruteqarsimasut, ingerlatseqatigiiffiit inatsisitigut imminnut pituttorsimasut marluugamik, taamaattumillu akiitsutigut akisussaaffigeqatigiillutik. Tassalu maalaarutigineqartoq isumaqarpat, *International A Entreprenør A*-mut qullersaqarfiusoq, *International A Entreprenør A*-p akiitsuinut akisussaa-suussasoq, ingerlatseqatigiiffiup qullersaqarfeqarluni piginneqatigiiffiuteqarlunilu aaqjissuussaanerata taamatorpiaq inatsisitigut sunniuteqarnera pissutigalugu ingerlatseqatigiiffiit imminnut akisussaaffeqatigiissinnaanngillat, taamaattumillu maalaarutigineqartup tunngavilersuutigisaata itigartinneqarnissaa tassani tunngavissaqareerpoq.

Aammattaaq maalaarutigineqartup oqaatigaa, kisitsisinut pingaarnernut piumasaaqat tassaangitsoq "minnerpaaffissatut piumasaaqat". Tamanna akerlilernerqarpoq, tassami suliariumannittussarsiuussinermi piumasaaqatit immikkut ittut oqaasertaliorneqarnerani ukiuni kingullerni pingasuni kisitsisinik pingaarnernik nassiussinissamut piumasaaqat minnerpaaffiliunneqarpoq. Tamatumunnga atatillugu oqaatigineqarpoq, suliariumannittussarsiuussinermi neqerooruteqartitsisoq neqerooruteqartitsinermut najoqqutassat ersarlussinnaanerat eqqorneqaatigisinnaagaa.

Piumasaaqat 2 pillugu

Maalaaruteqartup ilaatigut oqaatigaa, neqeroorut *International A*-mit tunniunneqarsimasoq ersarilluinnartoq, tassami allaffisiap qulaani nittartakkamilu *International A*, ingerlatseqatigiiffik Kalaallit Nunaanni nalunaarsugaanngitsoq innersuunneqarpoq. Tassunga atatillugu maluginiarneqarpoq, nittartakkami www.international-a.dk *Entreprenør A*-mut ataasiarluniluunniit innersuussisoqarsimanngitsoq. Oqaatigineqarpoq, neqeroorut nassiunneqartoq *International A*-mit neqeroorutaasoq, naak neqeroorut *Entreprenør A* sinnerlugu nassiussaa-galuartoq. Taamaattumik maalaarutigineqartoq *Entreprenør A*-mut isumaqatigininniarnernik aallartitsinissamut, ilami allaat isumaqatigiissuteqarnissamut pisinnaatitaanngilaq.

Pissusiviusut malillugit *International A*, aamma *Entreprenør A*-junngitsoq, neqeroorummik maalaarutigineqartumut nassiussisimaneranut aamma *International A*-p innersuussutaasa, isumalluutaasa, aaqjissuussaannermut pilersaarutaasa

naatsorsuutinilu kisitsisaataasa ator neqarsimanerinit taperser neqarpoq, taama-
tullu aamma inuit, Danmarkimi *International A*-mi sulisuusut cv-vi kisimik
ilannunneqarsimapput. Tamatumunnga ilassutitut oqaatigineqassaaq, *Entre-
prenør A* aamma *International A* peqatigiillutik neqerooruteqartuusut neqeroo-
rummi sukkulluunniit allassimannгимmat. Tassalu *International A* suliami neqe-
rooruteqartuuvoq. Taamaattumik maalaarutigineqartoq ingerlatseqatigiiffimmut
isumaqatigiissutissamik isumaqatiginninniarsinnaasimannгilaq, ingerlatseqati-
giiffiup toqqaanissamut piumasaqaatini Kalaallit Nunaanni suliffeqarfittut nalu-
naarsorsimanissamut piumasaqaat naammassisimannгimmagu. Tamannaan-
naq tunngavigalugu neqeroorut suliariumannittussarsiuussinermut ilaatinne-
qarsinnaasimannгikkaluarpoq.

Maalaarutigineqartup piumasaqaammut 1-imut aamma 2-mut tunngatillugu
ilaatigut oqaatigaa, suliakkiissutissamik ingerlatseqatigiiffimmut Kalaallit Nuna-
ta avataani qullersaqarfeqartumut tunniussinissaq, tamatumalu kingunerisaanik
Kalaallit Nunaanni piginneqatigiiffiutigisamut isumaqatigiissuteqarnissaq
inuussutissarsiornermut inatsimmik uniinerunngitsuq, taamaattumillu ingerlat-
seqatigiiffiit avataaneersut suliariumannittussarsiuussinernut ilaanissaat akornu-
tissaqanngitsuq; tassalu ingerlatseqatigiiffiit nunanit allaneersut aaqqissuussaa-
nermikkut Kalaallit Nunaanni piginneqatigiiffiutigisanik pilersitsinissaat inerteqqu-
taanngilaq, taakku ingerlannginnerat apeqputaatinnagu; sanatitsisup/ suliakki-
sup suliakkiissutissamik qullersaqarfiup piginneqatigiiffiutigisaanut tunniussi-
nissaq nammineerluni aalajangersinnaavaa; aammalu unammilleqatigiinneq
ilaatigut pissutaalluni suliffeqarfinit Kalaallit Nunaata avataaneersunit pissarsi-
nissaq pisariaqarsinnaavoq. *Entreprenør A*-p neqeroorutaani piumasaqaatit
tamarmik naammassineqarput, taamaattumillu piumasaqaatinut naapertuu-
tinngitsutut oqaatigineqarsinnaanani. Kiisalu *International A*-p kisitsisaatai
pingaernerit neqeroorutinik nalilersuiner mut tunngavigissallugit akuersaarne-
qarsinnaapput, maalaarutigineqartumit piginneqatigiiffiutigisaq *Entreprenør A*
ilisarisanerluarmat. Kiisalu piginneqatigiiffiutigisaq piffissami suliariumannit-
tussaarsiuussiviusumi pilersinneqarsimanersuq isumaqanngilaq.

Piumasaqaat 3 pillugu

Maalaaruteqartup ilaatigut oqaatigaa, "isumalluutit" aamma "innersuussutit"
tunniussinissamut piumasaqaammimi "neqeroorut aningaasaqarnikkut ilua-
naarnarnerpaaq"-mi piumasaqaatit immikkoortuisut ator neqarsinnaanngitsut,
taakku toqqaanissamut piumasaqaataammata, taamaattumillu neqeroorummik
aningaasaqarnikkut iluanaarnarnerpaamik nassaarniarnissamut naleqqunnatik.

Maalaarutigineqartup ilaatigut tamatumunnga tunngatillugu oqaatigaa, toqqa-
nissamut piumasaqaatini suliffeqarfiit, suliakkiisumit neqeroorutinik tigusaqarfi-
gissallugit kissaatiginngisaasa immikkoortinnissaat siunertarineqartoq, kisiannili
aamma taakku suliami pineqartumi matumani tunniussinissamut piumasa-
qaatit ator neqarsinnaasut, tassani maalaarutigineqartup – akiusup saniatigut –
aamma suliasap piffissaq eqqorlugu ajornartorsiorfiunngitsumik suliarine-
qarnissaata qulakkeerneqarnissaa pingaartissimmagu. Taamaattumik neqe-
rooruteqartitsisup neqeroorutinik nalilersuinermini tunngaviusumik toqqaanissa-
mut piumasaqaammik ("piumasaqaatit minnerpaaffissaata") aamma tunniussi-
nissamut piumasaqaammik ("unammilleqatigiinnissamut tunngavissat") ataatsi-

moortitsinera akornutissaqanngilaq. Maalaaruteqartarfimmit inerniliissutigineqarsinnaavoq, toqqaanissamut piumasaqaatit tunniussinissamullu piumasaqaatit atorineqarnissaannut maleruagassat saneqqunneqarsimasut, tamannali maalaarutigineqartumut qanorluunniit kinguneqartariaqanngilaq, aammalu piumasaqaat nr. 5-imik inerneqartariaqarani. Neqerooruteqartitsinermut najoqqutassat ersernerlukkaluartut, neqerooruteqartut arlaannaataluunniit neqerooruteqarnissartik ajornartorsiutigisimangikkaat malunnarpoq.

Piumasaqaat 4 pillugu

Maalaaruteqartup ilaatigut oqaatigaa, maalaarutigineqartup tunniussinissamut piumasaqaatit immikkoortuinik oqimaalutaanera, tunniussinissamut piumasaqaatini akikinnerpaap atorineqarneranik nassataqartoq, tassami piumasaqaatini immikkoortoq "akiusoq" imatut nalilernerpoq, piumasaqaatini immikkoortut sinneri pissutsit sakkortugaluarpataluunniit aalajangiinermut isumaqaratik. Tassalu suliasamik tunniussinissamut piumasaqaatini akikinnerpaaq atuutinneqarpoq, taamaattumillu sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 7, imm. 3, tak. § 15, tunniussinissamut piumasaqaatini "neqeroorut aningaasaqarnikkut ilua-naarnarnerpaaq"-p atorineqarnissaanik neqerooruteqartunut isumaqartitsilerniarluni ersernerluttumik pissusilersornissamut inerteqquteqarnermut tunngasoq uniorlugu maalaarutigineqartoq iliuuseqarsimavoq.

Maalaarutigineqartup tamatumunnga tunngatillugu ilaatigut oqaatigaa, akiusoq 60%-imik oqimaalutarneqartillugu piumasaqaatit sinneri isumaqarunnaarsinnaasut. Neqeroorutinik naliliinerup ingerlanneqartup takutippaa, suliffeqarfiit imminnut assigiittorujussuusut. Piumasaqaatilli allat pingaartumik akit imminnut qanitsillugit isumaqalersinnaapput.

Piumasaqaat 5 pillugu

Maalaaruteqartup ilaatigut oqaatigaa, Inatsisartut inatsisaanni nr. 11-mi, 2. december 2009-meersumi, kingusinnerusukkat allannguuteqartinneqartumi § 30, imm. 2 naapertorlugu maalaarutigineqartup suliasamik tunniussinissamut aammalu *Entrepreneur A*-mut isumaqatigiissutissamik isumaqatiginninniarnissamut aalajangiinera atorunnaarsinneqassasoq. Tamatumunnga tapertartut oqaatigineqarpoq, *Entrepreneur A*-p neqeroorutaa piumasaqaatinut naapertuutinnitsoq, taamaattumillu itigartinneqarsimasariaqaraluartoq. Kiisalu maalaarutigineqartup neqeroorutinik nalilersuinermini toqqaanissamut piumasaqaatit tunniussinissamut piumasaqaatit atorsimavai.

Maalaarutigineqartup matuma siuliani taaneqartunut tunngatillugu ilaatigut oqaatigaa, maalaarutigineqartup tunniussinissamut aalajangiineranik atorunnaarsitsinissamut tunngavissaqanngitsoq, tamatumunnga piumasaqaatit naammassineqarsimangimmata. Maalaarutigineqartoq neqerooruteqartitsinermi atatillugu toqqaanissamut piumasaqaatinik aamma tunniussinissamut piumasaqaatinik, sanaartugassamut aalajangersimasumut atatillugu maalaarutigineqartumut isumaqartunik atuiniarluni aalajangersimavoq. Nalinginnaasumik maleruagassanik pingaarnernik unioqqutitsinerit sakkortuut pineqarpata aatsaat aalajangiinermik atorunnaarsitsinissaq piumasarineqarsinnaavoq. Isumaqatigiissummik atorunnaarsitsisoqassappat tamanna aamma qaangeruminaatsunik

aralinnik kinguneqarsinnaavoq, ilaatigut pilersuinikkut annertuumik ajornartorsiortoqalersinnaalluni. Tamatumunnga atatillugu aamma maalaaruteqartup maalaarutitut allakkiamik tunniussinerminiit aatsaat qaammatip ataatsip affallu missaata qaangiunnerani maalaarutip atuuttussanngortinneqarnissaa piumasarisimavaa. Neqerooruteqartitsinermut najoqqutassani annikinnerusumik kukkusqarsimasinnaavoq, tamannali maalaarutigineqartumut maalaaruteqartup pisuutitsineranik annertuumillu kinguneqartariaqanngilaq.

Piumasaqaat 6 pillugu

Maalaaruteqartup ilaatigut oqaatigaa, maalaarutigineqartup *Entrepreneur A*-mut inaarutaasumik isumaqatigiissuteqarsimalluni, taamaattumillu nalilinnik annasaqarnissaq eqqarsaatigalugu suliariumannittussarsiuussinerup uteqqinneqarnissaa ajornarsisoq nalunaarutigisimammagu, kalaallit neqerooruteqartitsisarnermut inatsisaat malinneqarsimagaluarpat suliassap maalaaruteqartumut tunniunneqarnerani naammassisaqarnissamut soqutigisat angusaqarfiusinnaasut, maalaaruteqartup siumoortumik naatsorsuinermini naatsorsuutigisaasa amerlaqataannik maalaarutigineqartoq maalaaruteqartumut taarsiissuteqarnissamut pisussaaffilerneqassasoq.

Maalaaruteqartup tamatumunnga atatillugu matusissutissat 2.415.656,00 koruuninut naatsorsorsimavai, tassalu maalaaruteqartup nammineerluni suliassanut matusissutissat (iluanaarutissat ilanngaasigaanngitsut) 25%-iisa missaannut, aammalu maalaaruteqartup neqerooruteqarnermini akiliutaasa katinnerisa 18%-iisa missaannut, tamatumanilu Kalaallit Nunaanni suliassaqarfimmi nalinginnaasumik ileqquusut malinneqarput, aammalu Kalaallit Nunaanni allaffissornermut, ilinniartitaanermut angalanermullu aningaasartuutinut qaffangaatsiartartunut atasutut isigineqassalluni. 25%-inut matuma siuliani taaneqartunut aamma maalaaruteqartup *entrepreneur*imut sulisitassatut naatsorsuutigisaanut matussutissatut siumoortumik naatsorsorneqartut, aammattaaq annaasassatut naatsorsukkanut ilaatinneqartariaqartut ilanngunneqarput.

Naammassinninnissamut soqutigisani angusaqarfiusussanut taarsiissuteqarnissaq maalaaruteqartarfiup tunngavissaqarsorinngippagu, neqerooruteqartitsinermut, Inatsisartut inatsisaannut nr. 11-mut, 2. december 2009-meersumut, kingusinnerusukkut allannguuteqartinneqartumut naapertuutinngitsumut ingerlanneqartumut atatillugu maalaaruteqartoq naammassinninnissamut soqutigisanut angusaqarfiunngitsunut taarsiiffigineqartariaqarpoq. Aammattaaq oqaatigineqarpoq, taarsissuteqarnissamut piumasaqaatit nalinginnaasut naammassineqarsimasut.

Maalaarutigineqartup matuma siuliani allassimasunut tunngatillugu ilaatigut oqaatigaa, maalaaruteqartoq taamaallaat naammassinninnissamut soqutigisanut angusaqarfiusunut matussusiivigineqarsinnaasoq, neqeroorut ajugaasoq piumasaqaatinut naleqqutinngitsutut nalunaarutigineqarmat, aammalu tassunga taarsiullugu maalaaruteqartup suliassamik tigusinissaa uppersarneqarpat, aammalu tunniussinissamut aalajangiineq maalaaruteqartup piumasaqarneratut taamaatinneqarsimanngippat. Neqeroorut piumasaqaatinut naapertuutinngitsuq maalaaruteqartarfik aalajangiisimasuuppat, maalaaruteqartup suliassaq pissarsiarisimasussaagaluaraa akerlilerneqarpoq. Maalaaruteqartup piumasaqarneratut

tunniussinissamut aalajangiineq atorunnaarsinneqassasoq maalaaruteqartarfik aalajangiisimasuuppat, maalaaruteqartoq naammassinninnissamut soqutigisanut angusaqarfiusunut taarsiiffigineqarsinnaasimassanngikkaluarpoq, taamaallaalli naammassinninnissamut soqutigisanut angusaqarfiunngitsunut taarsiiffigineqarsinnaasimassagaluarluni. Aammattaaq oqaatigineqarpoq matusissutissat naatsorsorneri saqqummiunneqartut matusissutissani annaasanut naammattumik uppersaataasinnaanngitsut. Aamma 25%-it matusissutissatut maalaaruteqartup piumasarisai maalaaruteqartup suliarisimasaanit assingusunit naatsorsuutaanut saqqummiunneqartunut naleqqiullugu qaffasippallaarput, matusissutissallu naatsorsorneqarnerini kisitsisit aalajangersimasut atorneqarnej ajorput, tamatigullu illuatungiliuttumut kisitsisinik piunnaqartumut iluaqutaanerusumik naatsorsorneqarsinnaallutik. Naammassinninnissamut soqutigisanut angusaqarfiunngitsunut naatsorsuutit saqqummiunneqartut eqqarsaatigalugit tamanna uppersarneqarsimanngitsutut akerlilernerqarpoq, taamatullu ilaatigut neqeroorusiornermut nalunaaquttap akunneri 200-250-it sinnerlugit atorneqarsinnaanngitsut oqaatigineqarpoq, aammalu takusaalluni angalanissaq pisariaqarsorineqarani.

Piumasagaat 7 pillugu

Maalaaruteqartup ilaatigut oqaatigaa, Inatsisartut inatsisaat nr. 11-mi, 2. december 2009-meersumi, kingusinnerusukkut allannguuteqartinneqartumi § 28 naapertorlugu akitsuummik 100.000 koruuniusumik Neqerooruteqartitsisarnermut Maalaaruteqartarfimmut, maleruagassat atuuttut malillugit aningaasanik maalaaruteqartumut utertitsinissamut inatsisitigut tunngavissaqanngitsumut akiliuteqarsimalluni. Tamatuma kingorna maalaarutigineqartup Inatsisartut inatsisaat nr. 11-mi, 2. december 2009-meersumi, kingusinnerusukkut allannguuteqartinneqartumi § 31 naapertorlugu maalaarutigineqartoq taamatut aningaasartuuteqarneranut, suliamut aningaasartuutit ilanngullugit, maalaaruteqartumut taarsiisussanngortinneqassasoq aalajangiunneqarpoq, tassani oqaatigineqarluni, suliap ingerlanerani annikinngitsumik allakkatigut ingerlatsisoqarsimasoq, taamatullu suliaq pisariungaatsiarsimasoq, kiisalu aningaasartuutit aalajangersarneqarnerini pingaartinneqartariaqarpoq, maalaarutigineqartoq suliamut atatillugu suliamik unitsitsinnaangajattunik iliuseqarsimammat, tassungalu maalaaruteqartup allagaatinik takunninnissamut piunnaqqaataata naammassiniarneqarnerani piffissap suliaqarfiusup sivisunera ilaatinneqarpoq.

Maalaarutigineqartoq matuma siuliani allassimasunut piunnaqqaatit sinnerinut itigartitsinermut tunngavilersuutinut innersuussuteqarpoq.

Maalaaruteqartarfiup oqaaseqaataa:

Piumasagaat 1 pillugu

Neqeroorut ajugaasoq *Entreprenør A*-mit – *International A*-p, *Entreprenør A* sinnerlugu neqeroorummik *tunniussisup* piginneqatigiiffiutigisaanit – tunniunneqarpoq. Tamatuma kingorna maalaarutigineqartup *Entreprenør A* isumaqatigiissusiorfigaa. Qullersaqarfik suliasamat tunngatillugu teknikkikkut, aningaasagarnikkut aningaasalersuinikkulluunniit suliaqarnermi ikiortigineqassappat, qullersaqarfiup paasissutissaataasa neqeroorummut ilaatinneqarnissaat akornu-

tissaqanngilaq. Qullersaqarfiup aningaasaqarnikkut kisitsisaatai pingaarnarit naliliinermut tunngaviusunut ilaatinneqassappata, tamatumani qullersaqarfiup nammaqatigiiffiusumik akiligassatigut akisussaaqataanerata nalunaarutigineqarnissaa, aammalu isumaqatigiissutip naammassinissaanut akisussaaqataanissaa piumasarineqartariaqarpoq. *International A* nalunaarummik taamaatumik piginneqatigiiffiutigisani sinnerlugu tunniussisimangitsoq ilisimatitsissutigineqarpoq. Tassalu qullersaqarfik *Entrepreneur A*-p suliassaq aki piffissarlu isumaqatigiissutigineqartooq atorlugu naammassisinnaaneraa pillugu uppersaasimangilaq. Ukiuni kingullerni pingasuni kingullerni kisitsisinik pingaarnernik piumasaqarnermi siunertaamat, suliffeqarfiup ajugaasup aningaasalersuinikkut patajaassuseqarnerata misissorneqarnissaa, suliffeqarfiup ajugaasup kisitsisaataasa pingaarnarit nassiunneqarnissaat naatsorsuutigineqartariaqarpoq, tassalu qullersaqarfimmiit nalunaarummik tunniussisoqarsimangimmat qullersaqarfiup kisitsisaatai pingaarnarit nassiunneqassanngillat.

Toqqaanissamut piumasaqaatit naapertorlugit suliassamut ilaatinneqarnissaq eqqarsaatigalugu kisitsisinik pingaarnernik tunniussinissaq piumasaqaatinut minnerpaaffiliunneqanngilaq, kisiannili tamanna tunniussinissamut piumasaqaatini "isumalluutit"-nut piumasaqaatit ilagaat. Kisitsisinik pingaarnernik ilanngussinissaq neqerooruteqartitsinermut najoqqutassani nalinginnaasut piumasaqaatigineqanngilaq. Kisiannili kisitsisit pingaarnarit qinnuteqartup suliassamik naammassininnissamut naleqqunneranik naliliinermut tamarmiusumut ilaatinneqartussaapput. Tassalu piumasaqaatit nalinginnaasuunnginnera, kisiannili piumasaqaataanera 3%-inik nalilik piumasaqaammi tassani eqqarsaatigineqarpoq. Neqerooruteqartitsinermut najoqqutassani oqaasertaliussaq malillugu neqerooruteqartup uppersaasammik kukkusumik ilanngussinera neqeroorutip pineqartup piumasaqaatinut naapertuutinngitsutut isigineqarnissaanik kingunerqarsinnaanngilaq.

Neqerooruteqartitsinermut allakkiami, 31. januar 2012-imeersumi allassimavoq, tunniussinissamut piumasaqaatit 0 pointinik inerneqarpata, *entrepreneur*i suliassamik naammassininnissaanngitsutut aammalu neqerooruteqartunit peerneqartussatut isigineqassasoq. Kisiannili Piumasaqaatini Immikkut Ittuni allassimavoq, tunniussinissamut piumasaqaatit ilaat, taakkuluunniit immikkoortua ataaseq 0 pointinik inerneqarpat, *entrepreneur*i suliassamik naammassininnissaanngitsutut aammalu neqerooruteqartutut peerneqartussatut isigineqassanngitsoq.

Entrepreneur A ukiuni kingullerni pingasuni kisitsisinik pingaarnernik tunniussaqarsimangimmat, *Entrepreneur A* piumasaqaatit immikkoortuanni tassani 0 pointinik tunineqarsimassasoq ilimagineqarsinnaavoq. Kisiannili neqerooruteqartitsinermut najoqqutassani tamatuma kingunerisassaanut nassuiaatit ersarluppallaarmata, *Entrepreneur A*-p neqerooruteqartutut peerneqartariaqarsimagaluarnera inerniliissutigissallugu ajornarpoq.

Tamatuma kingunerisaanik maalaaruteqartup piumasaqaataa malinneqanngilaq.

Piumasaqaat 2 pillugu

Matuma siuliani taaneqartutut neqeroorut ajugaasooq *Entrepreneur A*-p tunniussaraa. Toqqaanissamut piumasaqaatini allassimavoq, qinnuteqartooq Kalaallit

Nunaanni suliffeqarfittut nalunaarsorneqarsimasussaasoq, tamannalu isumaqatigiissutissamik isumaqatiginninniarsinnaanerit aallartinnginnerini kingusinnerpaamik pisinnaasoq. Taamaattumik *International A-p* neqeroorummik tunniussinissaa akornutissaqanngilaq. Neqeroorut Kalaallit Nunaanni piginneqatigiiffiutigisamit nalunaarsorneqareersimasumit, tassalu *Entreprenør A-mik* taasamit, tunniunneqaralarpoq, taamaattumillu *Entreprenør A-p* toqqaanissamut piumasaqaatit pineqartut naammassisimavai.

Tamatuma kingunerisaanik maalaaruteqartup piumasaqaataa malinneqanngilaq.

Piumasaqaat 3 pillugu

Suliakkiisup tunniussinissamut piumasaqaat "neqeroorut aningaasaqarnikkut iluanaarnarnerpaaq" atorniarlugu aalajangersimappagu, piumasaqaatit immikkoortui ilaalu, suliakkiisup tamatumunnga atugassatut ilusilersorsimasai neqerooruteqartarnermut inatsimmi § 15 naapertorlugu aamma neqeroorutit aningaasaqarnikkut iluanaarnarnerpaatut misissorneqarnissaannut naleqqut-tuussapput. Tunniussinissamut piumasaqaammi tassani aamma suliassamut aalajangersimasumut tunngatillugu pitsaassutsimut unammillertitsisinnaanissaq siunertarineqarpoq. Tunniussinissamut piumasaqaatit neqeroorutini assigiinngissutinut attuumassutilinnut assigiinngitsunut tunngasuussapput, aammalu neqeroortut assigiinngissutaannut tunngasuussanatik.

Piumasaqaatit immikkoortuat "innersuussutit" isumaqatigiissutissami piumasaqaatit ilaannut toqqaannartumik atatinneqanngippat, tunngaviumik toqqaanissamut piumasaqaatit isigineqartariaqarpoq. Piumasaqaatit immikkoortuisa marluusut – innersuussiviusut allattorsimaffiat aamma *entreprenør*it suliassami sulitinneqartussatut eqqarsaatigineqartut – oqaasertaliorneqarnerat, kiisalu maalaarutigineqartup piumasaqaatit immikkoortuinik marluusunik taakkuninnga naliliinerat taamaallaat neqerooruteqartoq, taassumalu pilersuisuisa suliassanik pineqartunik taamaattunik suliaqarnissamut piginnaaneqarnerat pillugu oqalut-tuurtuupput. Kiisalu innersuussiviusut allattorsimaffiat suliassamut qanoq atorneqartussatut kisaatigineqarnerisooq neqerooruteqartitsinerimut najoqqut-tassani nassuiaarnarneqarsimanngilaq, kisiannili neqerooruteqartitsinerimut najoqqutassani taamaallaat suliaasimasunut naammassineqarsimasunut innersuussiviusut allattorsimaffiat amerlanerpaamik pointinnannissamut naammattut allassimavoq. Innersuussiviusut allattorsimaffiat toqqaanissamut piumasaqaatit aamma taaneqarput. Taamaattumik piumasaqaatit toqqarneqartut neqeroorutit aningaasaqarnikkut iluanaarnarnerpaat suussusersiniarnerinut naleqquttutut oqaatigineqarsinnaanngillat.

Piumasaqaatit immikkoortuat "isumalluutit" piumasaqaatit ilaannik arlalinnik imaqarput. Sulisut amerlassusissaannut, aaqqissuussaannerimut pilersaarutinut, kisitsisinut pingaarnernut aammalu qinnuteqartup pitsaassutsimik qulakkeeri-sarnissaanut nassuiaammut tamanut tunngasumut piumasaqaatit ilagisaat oqaasertaliorneqarnermikkut imaluunniit maalaarutigineqartup neqeroorutinik ataasiakkaanik nalilersuineratigut isumaqatigiissutissamut attuumatinneqanngillat. Taakku taamaallaat neqerooruteqartumi pissutsinut tamanut tunngasunut nassuiaataapput. Taamaattumik piumasaqaatit ilaat taakku immikkoortulitk ataatsimoorlutilluunniit neqeroorutit tiguneqartut arlaata aningaasaqarnikkut

iluanaarnarnerpaanerani paasiniaanermut naleqquttutut isigissallugit tunngavissaqanngilaq.

Taamaattumik maalaarutigineqartuq neqerooruteqartarnermut inatsimmi § 15, imm. 1, aamma inatsimmi § 7, imm. 3, ersarissumik pissuseqarnissamut tunngasoq uniorlugu iliuuseqarsimavoq.

Kiisalu maalaaruteqartarfiup maluginiarpa, pineqartumi ataatsimi *Entrepreneur A-p* suliassap aaqqissuussaanaasanut pilersaarummik, piumasaqaatit ilaattut atorneqarsinnaasumik tunniussisimanagera maalaarutigineqartup pingaartissimagaa, kisiannili neqerooruteqartitsinerneq najoqqutassani taamaallat aaqqissuussaanaanermut pilersaarut piumasaqaatit ilaattut allasimavoq, piumasaqaat taanna suliassarpiamut attuumatinneqanngikkaluarluni.

Maalaarutigineqartup neqeroorutiniq tiguneqartunin naliliinermini paasissutissanin, neqerooruteqartitsinerneq najoqqutassani allasimanngitsunin pingaartitsinerneq, neqerooruteqartarnerneq inatsimmi § 15, imm. 1, ersarissumik pissuseqarnissamut tunngasoq, aamma inatsimmi § 7, imm. 3, assigiimmik pinninnissamut tunngasoq uniorlugu iliuuseqarsimavoq.

Piumasaqaat 4 pillugu

Piumasaqaatit ilaat atorneqartut, maalaaruteqartarfimmit naapertuutinngitsutut isigineqartut pointilersuinerneq tamarmiisumi 22%-inik naleqarput. Pointilersuinerneq sinneruttut 18%-iusut, akip saniatigut piumasaqaatit ilaannut allanut (civnut aamma piffissamut pilersaarummut) tunngasuusut neqeroorutit arlaata aningaasaqarnikkut iluanaarnarnerpaatut suussusersineqarnissaanut naleqquttutut isumaqarfineqarsinnaapput. Tassalu tunniussinissamut piumasaqaat akimut appasinnerpaamut tunngasutut isigineqarneranin isumaqarnissaq tunngavissaqanngilaq, kisiannili neqerooruteqartitsinerneq matumani neqeroorummi ajugaasumi, nr. 2-jusumi aammalu nr. 3-jusumi akit assigiinnginnerisa annertunerat pissutigalugu neqeroorutip akikinnerpaanera pingaartinneqarpoq.

Tamatuma kingunerisaanin maalaaruteqartup piumasaqaataa malinneqanngilaq.

Piumasaqaat 5 pillugu

Neqerooruteqartarnerneq inatsimmik suusupaginninnerneq imaluunniit sakkortuumik unioqqutitsinerneq naliliineq maalaaruteqartarfiup neqerooruteqartarnerneq inatsimmik unioqqutitsisoqarsimaneranin naliliineranut aalajangiisuunngilaq.

Kisiannili unioqqutitsinerup sakkortunera annertuneralu tunniussinissamut aalajangiinerup atorunnaarsitsinissamik naliliinerneq, immaqalu taarsiissutissasinnasullu naliliiffigineqarnerinut sunniuteqarsinnaavoq. Atorunnaarsitsinissamik naliliinissaq naliliineruvoq ataatsimoortoq, tassanilu aamma naleqartunin tamaangaannartitsinikkut inuiaqatiginnullu annertuunin allanin akornusiinikkut inuiaqatigiinnut sunniutaanerlussinnaasut, taamatullu maalaaruteqartup maalaarummik tunniussinernerneq atattillugu pissuserisimasaa ilaatinneqassapput.

Neqerooruteqartarnerneq inatsimmi ersarissumik pissusilersornissamut assigiimmillu pisaqarnissamut tunngavissat tunngaviusut inatsimmi § 7, imm. 3-mi

takuneqarsinnaapput. Piumasaqaat 3-p ataani oqaatigineqartut maalaarutigineqartoq tunngavissanik taakkuninnga uniuilluni iliuuseqarsimavoq. Tassalu Maalaarutigineqartup piumasaqaatit ilaat matuma siuliani taaneqartut, katillugit 22%-inik nalilernerqartut aalajangersaramigit inatsisit unioqquutissimavai. Taamatut unioqquutitsinerup ilusia eqqarsaatigalugu maalaarutigineqartup piumasaqaatit immikkoortuisut ilaattullu aalajangersarneqartut tunngavigalugit tunniussinissamik aalajangiinermi inatsisit malissimasinnaangilai.

Kiisalu maalaaruteqartarfik isumaqarpoq, maalaarutigineqartup tunniussinissamik aalajangiinermi piumasaqaatit sinneruttut kisiisa atorsinnaangikkai. Tamatuma kingunerisaanik suliariumannittussarsiuussinermi piumasaqaatit immikkoortui ilaalu qitiusut, taakkulu akunnerminni oqimaalutarneqartarnerat allanngortussaapput.

Taamatut pisoqarsimagaluartoq maalaaruteqartarfik isumaqarpoq, nalilinnik tamaangaannartitsinikkut inuiaqatigiinnullu akornusiinikkut inuiaqatigiinnut sunniutaanerluttunik pinngortoqartoq, tunniussinissamut aalajangiinerup atorunnaarsinnissaanut tunngavissaqanngitsoq, taamatullu aamma maalaaruteqartarfiup pingaartippaa, maalaaruteqartup allagaatinik takunninnissamik qinnuteqaataa maalaarutigineqartup naammassisimanngikkaluaraa, maalaaruteqartup, 9. marts 2012-imi tunniussinissamut aalajangiineq pillugu nalunaarummik tigusaqartup, maalaaruteqartarfimmu maalaarut 4. april 2012-imi nassiussimagaa, kisiannili aatsaat 16. maj 2012-imi oqaaseqaammimi maalaarut atuuttussanngortinneqassasoq piumasarisimallugu. Maalaaruteqartup piumasaqaatai 3 aamma 4 tunniussinissamik aalajangiineq pillugu nalunaarutip tiguneqarsimatsiarnerani saqqummiunneqareersimasinnaagaluarpog.

Tamatuma kingunerisaanik maalaaruteqartup piumasaqaataa malinneqanngilaq.

Piumasaqaat 6 pillugu

Maalaaruteqartarfik naliliivoq, *Entrepreneur A*-p neqeroorutaa piumasaqaatinut naapertuussimanngitsoq, kisiannili piumasaqaatit immikkoortui taakkulu ilaat piumasaqaat 3-mi taaneqartut tunngavigalugit tunniussinissamut aalajangiinermi maalaarutigineqartoq inatsisinik unioqquutissimasoq. Tamanna tunngavigalugu aammalu neqerooruteqartitsinermut maleruagassat malinneqarsimasuuppata maalaaruteqartoq isumaqatigiissummik pissarsisimasinnaagaluartoq uppersarneqanngimmat, naammassinninnissamut soqutigisanut pitsaasunut maalaaruteqartoq taarsiiffigisassanngortissallugu tunngavissaqanngilaq.

Maalaaruteqartarfiup pingaarnertut nalilinnik tamaangaannartitsineq inuiaqatigiinnullu akornusiineq eqqarsaatigalugit neqerooruteqartitsinermik atorunnaarsitsisimannginnera eqqarsaatigalugu, maalaaruteqartarfik isumaqarpoq, maalaaruteqartup isumaqatigiissuteqarnermi soqutigisanut angunngitsuukkanut taarsiiffigineqarnissamik piumasaqaataa, tunniussinissamut aalajangiinermik taamaatitsinertulli naliliiffigineqartariaqartoq. Isumaqatigiissuteqarnissamut soqutigisani angusinngitsoorneq pillugu maleruagassat malillugit taarsiisoqassappat, unioqquutitsinertut paasineqartut kalaallit inatsisaanni taarsiissuteqartarnermut maleruagassat malillugit akisussaaffiliinissaat pisariaqarpoq.

Maalaarutigineqartup neqerooruteqartarnermut inatsimmi aalajangersakkat tunngaviusut unioqqutissimavai. Taamaattumik maalaarutigineqartoq akissusaaffiliisumik iliuseqarsimasoq. Kiisalu unioqqutitsinernut maalaaruteqartullu annaasaasa paasineqartut akornanni peqqutaasut ataqatigiittussaapput. Maalaaruteqartarfik isumaqarpoq, maalaaruteqartoq pisumi aalajangersimasumi neqeroorutiniq tunniussinissaq sioqqullugu pissutsiniq unioqqutitsiviusuninik ilisimasaqartutut ilisimasaqartariaqartutulluunniit oqaatigineqarsinnaanngitsaq. Maalaaruteqartarfiup taamaalilluni pingaartippaa, matumani suliffeqarfik pisortanit pigineqartoq angisooq, akuttunngitsumik suliariumannittussarsiuussisartoq pineqarmat, kisiannili neqerooruteqartarnermut inatsit nutaaq uniorlugu iliuseqarsimammat, aammalu suliassaqarfimmi tassani kalaallit suleriaasiannik atuisoqanngimmat. Tamanna pissutigalugu maalaarutigineqartoq maalaaruteqartup isumaqatigiissusiornissamut soqutigisani angusaqanngitsoorneranut taarsiissuteqarnissamut maleruagassat naapertorlugu akiliisussaavoq.

Maalaarummi aningaasartuutininut akilikkanut naatsorsukkat, maalaaruteqartumit saqqummiunneqartut akuerineqarsinnaanngillat. Naatsorsukkat eqqartuussissuserisumut aningaasartuutiniq aamma maalaaruteqartarfimmut akitsuutiniq, suliamt aningaasartuutininut ilaasuninik imaqarput, taakkulu maalaaruteqartup isumaqatigiissusiornissamut soqutigisani angusaqanngitsoorneranut taarsiissuteqarnissamut maleruagassat naapertorlugit taamaallaat neqeroorutip suliarineqarneranut aningaasartuutininut tunngasunut ilaatinneqarsinnaanngillat. Naatsorsuutininut allanut tunngatillugu naalisaatit nassuiaatilluunniit assigiinngitsut neqeroorusiornermi suliffeqarfiup iluani avataaniilluunniit ikiorserneqarsimarnermut tunngasuunersut, imaluunniit "naatsorsuisumiit faktura" sunaanersoq takuneqarsinnaanngillat. Kiisalu naatsorsuutit arlaannaalluunniit sukumiisumik uppersaasarnearneqarsimanngillat. Kisiannili neqeroorut, iluatsingitsumik, suliarineqarsimasoq uppersarsarneqarpoq, taamatullu nassuiaatigineqartutut sanaartorfissap takuniarnissaa pisariaqarsimasoq ilimagineqartariaqarpoq. Taamaattumik isumaqatigiissusiornissamut soqutigisani angusaqanngitsoornermut taarsiissuteqarnissamut maleruagassat naapertorlugit maalaaruteqartup piunasaqaataanut, 125.000 koruuninut missiliorneqartunut maalaaruteqartarfik tapersiivoq. Aningaasat 4. april 2012, tassalu ulloq maalaaruteqartarfiup maalaarummik tigusiffigisaa aallarnerfigalugu suliap ingerlaneranut erniaqartinneqassapput.

Piunasaqaat 7 pillugu

Suliap inernera eqqarsaatigalugu maalaarutigineqartoq maalaaruteqartumut suliame aningaasartuutininut akiliisussaavoq. Suliame aningaasartuutit naliliiffiginerini maalaaruteqartup maalaaruteqarnermi suliap suliarineqarneranut atatillugu aningaasartuutigisimasai maalaaruteqartarfiup tunngavigai. Maalaaruteqartup maalaaruteqarnermi suliamut atatillugu Eqqartuussissuserisoqarfik P&K-mit eqqartuussissuserisumit ikiorneqarneranut aningaasartuutininut ilisimatitsissutigineqartunut, 70.000 koruuniusunut, tunngasuusimanissaat ilimagineqarpoq. Suliap ingerlanera aammalu oqaasiinnaat atorlugit isumaqatigininniarnermut nalunaaquttap akunneri arfinillit atorneqarsimanagerat eqqarsaatigalugu suliamut aningaasartuutit 35.000 koruuninut aalajangerneqarput. Maalaaruteqartup akitsuutitut 100.000 koruunit akiligaasa utertinneqarnissaanut apeqqummut tunngatillugu maalaaruteqartarfimmit oqaatigineqarpoq, maalaaruteqartumut

utertitsinissaq imaluunniit maalaaruteqartooq tapersernejarpaa akitsuut maalaarutigineqartumit akilernejassanersoq pillugu Naalakkersuisut maleruagassanik aalajangersaasimanngitsut. Taamaattumik maleruagassanik aalajangersaasooqarsimannginnera pissutigalugu maalaaruteqartarfik isumaqarpoq, maalaaruteqartooq maalaarummini tamakkiisumik ilaannaasumilluunniit tapersernejarpaa, maalaaruteqarnermut akitsuut utertillugu akilernejassasoq, taamaattumillu Naalakkersuisut maleruagassanik ersarissumik tunngaviusussanik aalajangersaasimanngimmata, maalaarutigineqartooq aningaasanut taakkununga tamakkiisumik ilaannaasumilluunniit akiliisussanngortinneqarsinnaanngitsooq. Tamatuma kingunerisaanik akitsuutit 100.000 koruuniusut maalaaruteqartumut utertillugit akilernejassapput.

Tamatuma kingunerisaanik aalajangernejarpooq:

Maalaarutigineqartooq piimasaqaatini 1-2-mi aamma 4-5-imi pinngitsuutinnejarpooq.

Piimasaqaat 3 pillugu

Maalaarutigineqartooq piimasaqaatit immikkoortuata "innersuussutit" ataani immikkoortut uku malillugit tunniussinissamut piimasaqaammik »nejeroortut aningaasaqarnikkut iluanaarnarnerpaaq«-mik atuilluni aalajangersaanermini nejeroortuteqartarnermut inatsimmi § 15, imm. 1, aamma inatsimmi ersarissumik iliuuseqarnissamut aalajangersagaq § 7, imm. 1 uniorlugit iliuuseqarsimavoq: Innersuussinermut allattuiffik aamma entreprenørit suliassamut atornejartussatut eqqarsaatigineqartut allattorsimaffii tamarmiusut, naak piimasaqaatit immikkoortui taakku imaat malillugit aningaasaqarnikkut iluanaarnarnerpaamik nejeroortuteqartunik aalajangiinissamut naleqqutinngikkaluartut.

Maalaarutigineqartooq piimasaqaatit immikkoortuata "isumalluutit" ataani immikkoortut uku malillugit tunniussinissamut piimasaqaammik »nejeroortut aningaasaqarnikkut iluanaarnarnerpaaq«-mik atuilluni aalajangersaanermini nejeroortuteqartarnermut inatsimmi § 15, imm. 1, aamma inatsimmi ersarissumik iliuuseqarnissamut aalajangersagaq § 7, imm. 1 uniorlugit iliuuseqarsimavoq: Aaqqissuussaannermut pilersaarut, kisitsisit pingaarnarit aamma qinnuteqartup pitsaassutsimik qulakkeerisarnissaanut nassuiaatit tamarmiusut, naak piimasaqaatit immikkoortui taakku imaat malillugit aningaasaqarnikkut iluanaarnarnerpaamik nejeroortuteqartunik aalajangiinissamut naleqqutinngikkaluartut.

Maalaarutigineqartooq piimasaqaatit immikkoortuanik "aaqqissuussaannermut pilersaarutit" naliliinermini, nejeroortuteqartarnermut inatsimmi § 15, imm. 1, aamma § 7, imm. 1-imi ersarissumik iliuuseqarnissamut assigiimmillu pisaqarnissamut aalajangersakkat uniorlugit iliuuseqarsimavoq, tassani "suliassap aaqqissuussaanneranut pilersaarut" nassiunnejartooq pingaartissimagamiuk, naak nejeroortuteqartitsinermut najoqqutassani nejeroortuteqartut pilersaarumik taamaattumik nassiussinissaat oqaatigineqanngikkaluartooq.

Piumasagaat 6 pillugu

Maalaarutigineqartup, Nukissiorfiit, isumaqatigiissuteqarnissamut soqutigisani annaasat pillugit maleruagassat naapertorlugit 4. april 2012 aallarnerfigalugu suliap ingerlaneranut erniat 125.000 koruuniusut maalaaruteqartumut, *Entreprenør B*-mut, akilissavai.

Piumasagaat 7 pillugu

Suliami aningaasartuutitut maalaarutigineqartoq maalaaruteqartumut 35.000 koruuninik akiliissaaq. Akitsuutit 100.000 koruunit akilerneqartut maalaaruteqartumut utertillugit akilerneqassapput.

Aningaasat aalajangiinerup matuma maalaarutigineqartumut nalunaarutigineqarneranit sapaatit arfineq pingasut qaangiutsinnagit akilerneqassapput.

Aalajangiinerup illuatungeriinnut nalunaarutigineqarneraniit sapaatit arfineq pingasut qaangiutsinnagit maalaarutigineqartup aalajangiineq manna eqqartuussivinnut suliakkiissutigissappagu, tamanna neqerooruteqartarnermut inatsimmi § 32, imm. 2 naapertorlugu atuuttussanngortinneqassaaq.

Thomas Trier Hansen

Atsiornerup eqqortuunera uppersarsarneqarpoq.

Neqerooruteqartitsisarnermut Maalaaruteqartarfik, ulloq 27. juni 2012.

Janus Køster

Neqerooruteqartitsisarnermut Maalaaruteqartarfiup allattaa